

ՀԱՄԱԶԳԱՅԻՆ ՄԵԾ ՏՕՆԸ

Ա.

Տառերի գիտի 1500-ամեակի և սուլազարուծեան 400-ամեակի յոթն-լեանական տօները Թիֆլիսում:

Իբրև Կովկասի հայ մտաւորականութեան կենտրոն, Թիֆլիսում ևս հայ մտքի և գրի այս Մեծ Տօնը տօնուց վայելուչ կերպով: Վազուց ուղարկւած էին Թեմիս առաջնորդ Մեսրոպ եպիսկոպոսի յատուկ շրջաբերականները քաղաքիս թէ հասարակական շինարհութիւններին և թէ դպրոցական հաստատութիւններին, որով հրաւիրուած էր անմասն չը մնալ Թիֆլիսում կատարելիք Մեծ Տօնին նւիրւած շանդէսներին, որոնք քրեղի էին ունենալու չոկեամբեր 11—12 և 13-ի օրերին: Հոկտեմբերի 11-ին դպրոցական հաստատութիւնները իրենց դասադադարով ազգանշան տըւին տօների սկզբնաւորութեան. այդ օրը երեք դաս պատուպիւղց յետոյ ուսուցիչները բացատրեցին աշակերտութեանը Մեծ Տօնի նշանակութիւնը:

Հայ Իրամատիկական Ընկերութիւնը կազմակերպել էր աշակերտական ձրի ներկայացում. խաղալու էին Վասնակ և Մեսրոպ պիէսան, որը յատուկ պատրաստուած էր տօնի առթիւ. աշակերտութիւնը իրենց ուսուցիչների առաջնորդութեամբ շարանշարան շտապում էին դէպի Արտիստիկ թատրոնը: Ընդարձակ սրահը ծայր է ի ծայր լցւած էր հայ միջնակարգ և ծխական դպրոցների սաներով: Պատմական պիէսայի տպաւորութիւնը, ուր շանդէս էին եկած ու Մասնակն ու Մեսրոպը տառերի գիւտ պատմութեամբ բաւականին ուժեղ էր և մեծ ոգևորութեան առաջընթաց մանուկ շանդիսականների մէջ:

Հոկտեմբերի 12-ին թարգմանչաց տօնի օրն էր. Վանքի մայր եկեղեցում կատարուց պատարագ և հոգեհանգիստ հայ գրի և տըպագրութեան վաստակաւորների յիշատակին: Առաւօտեան ժամը

11-ից բաղաքում սկսեցին փակել հայ վաճառականական հիմնարկութիւնները տօնի առթիւ միաժամանակ հայ կրթական հաստատութիւններից՝ աշակերտներն ու աշակերտուհիները իրենց հոգեբարձական և ուսուցչական կազմերով սկսեցին հաւաքել Վանքի գաւթում. գաւթի թէ մուտքը և թէ առաջնորդարանը ու Ղուկասեան թանգարանը զարդարած էին դրօշակներով:

Վերջացաւ ժամերգութիւնը և եկեղեցու զաւթում հոգևորական դասի և ազօթողների հետ կապարեց հոգեհանդիսա Մեծ ուսուցիչների և վաստակաւորների անմահ յիշատակին:

Հոկտեմբերի 13-ին, համաձայն նախապէս սահմանւած ծրարագրի Վանքի մայր եկեղեցում տեղի ունեցաւ հանդիսաւոր պատարագ. պատարագիչն էր թեմակալ առաջնորդ Մեսրոպ եպիսկոպոսը. եկեղեցում ասեղ գցելու տեղ չկար, իսկ գաւթը լցւած էր հազարաւոր ամբոխով: Պատարագի միջոցին օրւայ Մեծ Տօնի պատշաճ գեղեցիկ ճառ խօսեց Բենիկ վարդապետը համեմատութեան դնելով Մ գարի ոսկեղենիկ գրականութիւնը, հայ անուշիկ լեզուն՝ ներկայ գրականութեան հետ: Պատարագը վերջանալուց յետոյ պատարագիչ եպիսկոպոսը հոգևորական դասի մասնակցութեամբ հայրապետական մաղթանք կատարեց: Մաղթանքից յետոյ եկեղեցական թափօրը ուղևորեց դէպի Ներսեսեան դպրոցի նոր շէնքը: Այստեղ ամբոխի հոծ բազմութիւնը հաւաքւած էր տեսնելու հայ կուլտուրայի վերածնութեան տօնահանդէսը: Շէնքի մուտքի առաջ կանգ առաւ թափօրը և սրբազան առաջնորդը դրսում հաւաքւած բազմութեանը մի քանի խօսքով բացատրեց տօնի մեծ նշանակութիւնը և օրհնեց նրանց: Փառահեղ էր թափօրի մուտքը դէպի դպրոցի հոյակապ սրահը, ուր ծայրէ ի ծայր լցւած հիւրերն և հանդիսականները անհամբեր սպասում էին հանդիսի բացման: Սրբազան առաջնորդի ատենախօսութեամբ և Կայսերական «հիմն»-ով բացւեց հանդէսը:


Պետական, հասարակական և դպրոցական հիմնարկութիւնների ներկայացուցիչների և պատգամաւորների ճառերը, ուղերձներն ու շնորհաւորանքները, որ տեղի ունեցաւ հանդիսի ընթացքում շնչատում էին այն մեծ նշանակութիւնը, որ ունեցել է հայ գրի ու տպագրութեան գործը հայ կեանքում: Հանդէսը, որին ներսիսեան, Յովնանեան և Գայանեան դպրոցների երգեցիկ խմբերը իրենց մասնակցութեամբ որոշ փայլ տւին. վերջացաւ ժամը 5-ին և Ժողովուրդը տօնական ուրախ տրամադրութեան տակ ցրեց իրենց աները:

Ներսիսեան դպրոցի այս մեծ հանդէսից յետոյ միւս հայ դպրոցներն ևս իրենց շրջանակի մէջ—երևան եկան ասանձին ար-

տայայտութեամբ, Ներսիսեան, Յովնանեան, Նորաշէնի ս. Մարիամեան, Կուկիոյ Նորաշէն դպրոցներն ևս կազմակերպեցին յատուկ երեկոյթ ցերեկոյթներ, ուր բացի Մեծ Տօնի նշանակութեանը վերաբերող արտասանութիւններից ու երգերից աշակերտական ուրախ և բազմատեսակ ժամանց տեղի ունեցաւ. մի շարք դպրոցներ ևս ինչպէս Գայեանեան, Թանդոյեան և այլ դպրոցներ Մեծ Տօնը վայելուչ շուքով տօնելու պատրաստութիւններէ մէջ են:

Յորեկանական տօնի առթիւ Ուս. Միութեան վարչութիւնը ևս որոշել է կազմակերպել ցերեկոյթ աշակերտական ճոխ և բազմաբովանդակ ծրագրով, ուր հանգէս են զալու մի քանի հայ դպրոցների երեխաներ առանձին պատրաստութեամբ:

Ա.գւիս



Բ.

Համազգային յորեկանական հանդէսները զաւառում:

Ազգերի պատմութեան մէջ հազուադէպ են այնպիսի մեծ տարեդարձներ, յորեկաններ, ինչպիսին կատարեց ամբողջ հայ ժողովուրդը այս տարւայ հօկտեմբերի 13-ին: Կուլտուրական տօներից մեծագոյնները՝ առուերի գիւտի 1500-ամեակը և տպագրութեան 400-ամեակն էր, որ այնպէս առանձին ցնծութեամբ ու մեծ հանդիսաւորութեամբ տօնեց համարեա ամենուրէք, ուր հայկական մի փոքրիկ խմբակցութիւն գոյութիւն ունէր: Հայ ժողովուրդն իր այդ խանդավառ ու գիտակցական վերաբերմունքով եկաւ իր խօսքն ասելու համաշխարհային քաղաքակրթութեան առաջ, եկաւ մի անգամ ևս կրկնելու բազմիցս շեշտած այն ճշմարիտ խօսքերը, թէ հայը իրաւունք ունի տեղ գրաւելու քաղաքակիրթ ազգերի շարքում, քանի որ 1500-ամեայ գրական անցեալ ունի և քանի որ Գուտտենբերգի մեծ գիւտից շատ չանցած կարողացել է ստեղծել հայ տպագրութիւն հարստացնելու և ժո-

զովորդի շատ խաւերի սեփականութիւն դարձնելու հայ գիրն ու գրականութիւնը:

Հայ կեանքն ունեցել է յաճախ այնպիսի ծանր ժամանակաշրջաններ, երբ ամեն ինչ կորած է համարուել և սակայն շնորհիւ մի շարք տոկուն անձանց անձնագորհ աշխատանքների, հայ գիրը և գրականութիւնը, հազազգիւտ և թանկարժէք պատմական մեծ նշանակութիւն ունեցող շատ մատեաններ կարողացել են ֆաւ անկորուստ: Եւ եթէ այսօր մենք մեր պատմութիւնն ունենք, այդ շնորհիւ եզակի անձանց անխոնջ աշխատութեան, որ կարողացան Հայաստանի թշուառ կացութեան ժամանակ, անբրկիւզ կերպով, ամենայն տեսակ վտանգի և զրկանքի ենթարկելով իրենց անձը, գրի առնել հայ կեանքի որոշ ժամանակաշրջանների պատմութիւնները և մեզ շնորհել իբրև ժառանգութիւն: Համեստ գործիչների ստեղծագործական աշխատանքները միջոց տւին դասուելու հային պատմական և կուլտուրական ազգերի շարքը, իսկ այդ գործիչների և մեր ամենիս մեծ ուսուցիչ և ստեղծագործող Մեսրոպը իր հրաշագործ գիւտի՝ տառերի շնորհիւ կարողացաւ պահպանել հայ ժողովրդին կորստեան վտանգից և ապահովել նրա գոյութիւնը: Մեսրոպի կատարած գործի մեծութիւնն էր, որ հոկտեմբերի 13-ին կարողացաւ հայութեան բոլոր խաւերին իր շուրջը հաւաքել. ու այնպէս մեծաշուք հանդիսաւորութիւն տալ յիշատակութեան յաւէտ արժանի ստեղծագործութեան յորեղեանական օրան, ազգային տօնին:

Իւրաքանչիւր ժողովրդի կեանքի համար համազգային նման տօները կուլտուրական մեծ նշանակութիւն ունեն: Այն խանդավառ վերաբերմունքը, որ ցոյց տւեց հայութիւնն ամենուրէք, արդիւնաւոր եղաւ նաև այդ տօնն յաւերժացնելու համար հիմնած զպրօցական Փոնդի նկատմամբ: Թէպէտ և Էջմիածնի անտակտ և անհնաւոր վերաբերմունքի շնորհիւ բաւականաչափ տուժեց ինչպէս տօնի շքեղութիւնը և իսկական համազգային լինելը, նոյնպէս և Փոնդը, այնուամենայնիւ իր լեզուն, իր պատմութիւնը, հայ գիրքը սիրող ժողովուրդը կարողացաւ այդ պատասխանատու գործից բաւականաչափ պատուաւոր կերպով դուրս գալ, երևան հանելով այդ օրը իր ամենանւիրական զգացմունքները: Տօնը, այո, համազգային էր. այդ օրը չը կար դասակարգային կուսակցական դաւանանքների խտրութիւն, քանի որ հայ գիրը, գիրքը ամենքի սեփականութիւնն է: Ազգային այս մեծ տօնը եկաւ ասելու, որ կան մոմենտներ, երբ ամենքս միմեանց նկատմամբ զգում ենք եղբայրներ:

Սակայն Ռուսաստանի բոլոր հայաշատ վայրերի ներքին վե-

րաբերմունքի գնահատումը իսկապէս դժւար է այժմ տալ: Առ այժմ մեզ համար հնարաւոր է մի ընդհանուր և ամփոփ հագիւտալ յորելեանական հանդէսների մասին:

Թիֆլիսը, շնորհիւ կարող ինտելիգենտ ոյժերի, գրական, հրապարակախօսութեան, համեմատաբար աւելի ուժգին կերպով կարող էր հրապարակ նետել. այստեղ մեզ համար ուշադրութեան արժանին գաւառներն և գաղութներ են, ուր դեանդամ են ուսասնայերի սուար և համեմատաբար աւելի թարմ մասը, որի ցոյց տւած վերաբերմունքի աստիճանը հանդէպ համազգային մեծ տօնի, անշուշտ աւելի քան կարևոր է: Հանդէսների այս կամ այն կերպ կատարելը, ճշմարիտ է, աւելի սրտագին կուլտուրական նշանակութիւն ունի, սակայն որոշ գաղափար է տալիս ժողովրդի գիտակցութեան, ազգային զգացմունքի մասին: Ահա այդ գիտակցութեան աստիճանը բնորոշելու համար է, որ կարևոր ենք համարում մի հայեացք զցել Կովկասահայ գաւառներում կատարւած հանդէսների վրայ, քաղելով մեր տեղեկութիւնները թերթերում այդ առթիւ լոյս տեսած թղթակցութիւններից:

Կովկասահայութեան ամենասուար մասը Երևանի թեմումն է և պէտք է խոստովանել, որ ամենափառաւոր յորելեանական հանդէսներ ՚էնց տեղի ունեցան այդ թեմում:

Թեմի կենտրոնական քաղաքը՝ Երևանը, աւելի քան պատուով դուրս եկաւ ազգային այդ մեծ տօնից. երկու օր, հոկտեմբերի 12-ին և 13-ին կազմակերպելով ազգային վերին աստիճանի փառաւոր և շքեղ հանդէսներ: Ինչպէս ամենուրեք, Երևանում ևս կազմակերպւած էր յատուկ յանձնաժողով փոխ-թեմակալի նախագահութեամբ, որոնց գործունէութիւնը, պէտք է ասել, որ բաւական արդիւնաւոր է եղել: Հոկտեմբերի 12-ին ս. Սարգիս եկեղեցում պատարագ է մատուցւել, որին ներկայ էին եղել ահագին բազմութիւն, հայ աշակերտութիւնը, ազգային հիմնարկութիւնների ներկայացուցիչները: Պատարագից յետոյ եկեղեցու բակում ամբողջ հայ հոգևորականութիւնը՝ գլուխ ունենալով ասաջնորդին՝ հոգեհանգիստ է կատարել ազգային Մեծ Տօնի երկու հերոսների ս. Սահակի և Մեսրոպի յիշատակին: Երեկոյեան եկեղեցու գաւթում հրավառութիւն է եղել և նւագել էր զինուորական երաժշտական խումբը:

Յաջորդ օրը, ամսիս 13-ին, տեղի է ունացել տօնի ամենաէական և ուշադրաւ մասը: Առաւօտեան ժամը 9-ից ս. Սարգիս եկեղեցու գաւթում հաւաքւած թեմական դպրոցի ամբողջ աշակերտութիւնը, ուսուցչութիւնը և հոգաբարձութիւնը, համբարներըն իրենց գրօշակներնով, հանդիսաւոր շքերթ են կատարել

երաժշտական խմբով քաղաքի գլխաւոր փողոցով ղէպի Գայեանեան, Խրիմեան և Մարիամեան դպրոցները, որոնք համազգային մեծ տօնի պատճառով շատ փառաւոր կերպով զարգարւած են եղել թարմ ճիւղերով, ծաղիկներով և օրւայ հերոս ու հայութեան բարերար Մեծ Ուսուցիչների պատկերներով և ճիւղերից հիւսւած 412 և 1512 թւականներով: Իւրաքանչիւր դպրոց այցելող թափօրին դիմաւորել է երգով, ստանաւոր արտասանելով և ապա միանալով նրա հետ, շարունակել է շքերթը: Ս. Լուսաւորիչ եկեղեցուց, որտեղ թեմակալը պատարագ է մատուցել ու զգացւած քարոզ խօսել օրւայ նշանակութեան և ժողովրդի կատարելիք դերի մասին՝ յաւերժացնելու մեծ տօնը մի լուրջ ձեռնարկութեամբ, թափօրը աւելի մեծ շուքով և ժողովրդի հոծ բազմութեամբ, գլուխ ունենալով զգեստաւորւած փոխ-թեմակալին, ուղևորել է ս. Սարգիս և այնտեղ բաղում կատարել գրական-երաժշտական ցերեկոյթ: Տեղի են ունեցել ճառեր, արտասանւել են ոտանաւորներ, քառաձայն խումբը երգեր է երգել, նւագել են աշակերտներից կազմած և զինւորական երաժշտախմբերը: Յատկապէս այդ օրւայ յիշատակին վաճառելիս են եղել Յորելեանական Յանձնաժողովի պատւիրած արծաթէ նշանները, որ ներկայացնում էր քնար, մէջը բաց գիրք և թւականներ:

Պակաս փառաւոր չեն կատարել Ազգային Մեծ Յորելեանի հանդէսները հայաշատ Ալէքսանդրապօլում: Այստեղ ևս տօնակատարութիւնը տեւել է երկու օր: Առաջին օրը, հոկտեմբերի 12-ին բազմաթիւ ժողովուրդ, դպրոցների աշակերտութիւնը հաւաքել է ս. Փրկիչ եկեղեցին. այնտեղ պատարագից յետոյ հոգեհանգիստ է կատարել ս. Սահակի և Մեսրոպի յիշատակին, քահանաներից մէկը մեծ երախտաւորների յիշատակին քարոզ է խօսել, որից յետոյ ամբօխը ուղևորել է ղէպի ժողովրդական տուն, խանութները փակ են եղել. այնտեղ տեղի է ունեցել գրական առաւօտ աշակերտութեան համար:

Հոկտեմբերի 13-ին, կիւրակի օրը առաւօտեան 10 ժամից սկսած հայ ժողովրդի ներկայացուցիչներին այցելում և հայ ժողովրդի մեծ տօնը շնորհաւորում էին ինչպէս օտարազգի, նոյնպէս և հայ այցելուներ և հիւրասիրւում թէյով, որից յետոյ սկսել է աշակերտութեան և ժողովրդի հանդիսաւոր երթը զինւորական երաժշտութեան նւագածութեամբ ու համբարական դրօշակներով զանազան փողոցներով. ճանապարհին ամենուրեք նրանց հետ միացել են քաղաքային, հայոց, կաթողիկաց և առևտրական զբոսայրոցի աշակերտները: Եքերթը կանգ է առել ս. Աստուածածնի եկեղեցու դուռը. այս եկեղեցում պատարագ է մատուցւել և հայ-

սերական մաղթանք տեղի ունեցել, որից յետոյ հոգևորականների դատը գլուխ անցնելով ժողովրդական թափօրի՝ ուղևորել են ս. Փրկիչ, որի քաղուժ կատարել է հայրապետական մաղթանք և տօնի առթիւ քահանաներից մէկը քարոզ է տալիս: Թափօրն այստեղից մեկնել է ժողովրդական Տուն, ուր ժողովրդի համար տեղի է ունեցել գրական-երաժշտական ցերեկոյթ: Նոյն օրը երեկոյեան յաջորդարանի շուրջը ժողովրդական զբօսանք է կատարել, նւագակցութեամբ սազանդարների և զինւորական երաժշտախմբի, իսկ երեկոյեան ժամը 8-ից ժողովրդական Տանը ներկայացել է «Մամէլ» պատմական պիէսը ու ցոյց տրել տաների գիւտի և օրւայ հերոսների վերաբերեալ՝ կենդանի պատկերներ:

Նոր-Բայազէտում տեղի ունեցած յորելիանական հանդէսը, ճշմարիտ է, նախորդ քաղաքների նման այնքան հարուստ, բովանդակալից և փառաւոր չի կատարել, սակայն այնտեղ ևս ինչպէս հոկտ. 12-ին, նոյնպէս և 13-ին թէ եկեղեցում և դպրոցի բազում, բացի եկեղեցական ծխակատարութիւնից՝ պատարագից, հոգեհանգիստներից, ճառեր են արտասանել Մեծ Տօնի նշանակութեան մասին, անմահ հերոսների յիշատակին. աշակերտները՝ ոտանաւորներ են արտասանել, խմբական երգեր երգել և հանգիսաւոր թափօր կատարել եկեղեցուց դպրոց:

Կարս. — Այստեղ, ինչպէս ասում են, անշուք է անցել համազգային մեծ տօնի հանդէսը. կիւրակի օրը պատարագին հաւաքել էր բաւական բազմութիւն, ներկայ էին նահանգապետը, դիւիզիայի հրամանատար Յարութիւնեանը, ոստիկանապետը և շատ պաշտօնատար անձինք: Պատարագից յետոյ եկեղեցական թափօրը հանդիսաւոր կերպով եկել է ծխական դպրոցի բակում մաղթանք կատարել: Դպրոցի աւագ ուսուցիչը ուսերէն լեզուով մի համառօտ բանախօսութիւն է արել օրւայ նշանակութեան մասին: Նահանգապետը մի քանի խօսքով բացատրել է տօնի մեծ նշանակութիւնը հայ ժողովրդի համար, ներողութիւն խնդրելով, որ հանդիսի մնացած մասը իրեն անհասկանալի կը լինի, հետացել է իր պաշտօնեաներով ժողովուրդի ուռաների և ծափահարութեան տակ: Այնուհետև բանախօսութիւններ և խմբական երգեցողութիւններ են տեղի ունեցել, ոտանաւորներ արտասանել ու այդպիսով հանդէսը վերջացել է:

Բաթում.—Համազգային տօնին այստեղ նախ հայոց եկեղեցում պատարագ է մատուցել, մաղթանք կատարել և քարոզ խօսել: Ներկայ են եղել նահանգապետն և այլ պաշտօնատար անձինք, քաղաքագլուխը, հայոց դպրոցի աշակերտութիւնը և այլ դպրոցների հայ աշակերտութիւնն իրենց դաստիարակների հետ միասին և ժողովրդի մեծ բազմութիւն: Բոլորը միասին եկեղեցուց ուղևորել են Շմախկու թատրոնը: Տեղի են ունեցել բանախօսութիւններ. մէկը ուսերէն լեզուով՝ այլազգիներին ծանօթացրել է օրւայ մեծ նշանակութիւնը հայ ժողովրդի համար: Քաղաքագլուխ իշխ. Անդրոնիկովը շնորհաւորել է քաղաքային քննաւարութեան կողմից հայութեան ամենամեծ կուլտուրական տօնը: Խօսել է նաև Վրաց Մէջ Դրագիտութիւն Տարածող Բաթումի ճիւղի վարչութեան կողմից Մղիւանին: Վերջը խօսել է հոգաբարձութեան նախագահ Ա. Մնդոյիանը սա ցանկութիւն է յայտնել, որ նման կուլտուրական տօները ոգևորեն մեզ և մայրենի լեզւի ամրապնդման նեցուկ հանդիսանան: Վերջը հրաւիրել է Բաթումի հասարակութեան ուշադրութիւնը առաջիկայում տօնելիք հայոց դպրոցի 25-ամեայ յորելիանի վրայ: Ամբողջ ժամանակը երգում էր դպրոցի խումբը:

Վլադիկավկազ.—Աւանձին հանդիսաւորութեամբ և շտեմնած ոգևորութեամբ է կատարել համազգային մեծ տօնը այստեղ: Ժողովրդի հետաքրքրութիւնը անչափ է եղել: Շարաթ օրը ծխ. դպրոցի և այլ դպրոցների հայ աշակերտների, բազմաթիւ հասարակութեան ներկայութեամբ կատարել է հոգեհանգիստ հայ գիրը և հայ տպագրութիւնն ստեղծողների յիշատակին: Ուսուցիչներից մէկը խօսել է օրւայ տօնի նշանակութեան մասին: Գիմնազիայի աշակերտներից մէկը ուսերէն լեզուով կարգացել է երկու տօների նշանակութեան մասին: Հետևեալ օրը եկեղեցում մաղթանք է կատարել. խօսել է Սառիկեան քահանան: Պատարագից յետոյ, հանդիսաւոր թափօրով ամբողջ ժողովուրդը ուղևորել է դպրոց. ամպհովանու տակ բռնած դպրոց է տարել ս. Մեսրոպի մեծադիր պատկերը: Դպրոցի ճակատը և բակը հիանալի կերպով զարդարւած է եղել կանաչով, դրօշակներով: Դպրոցի ներսն ևս շատ փառաւոր զարդարւած է եղել դրօշակներով, ծաղկատառերով, թափանցիկ մակագրութիւններով: Ուշադրութեան արժանի է եղել այն սրահը, որի պատերը զարդարւած են եղել հայ գործիչների պատկերներով. տեղի է ունեցել մի համեստ ցուցահանդէս. ցուցադրւած են եղել հայ ժամու-

լը, հին ձեռագրեր, հայ պատմութեան և հայագիտութեան վերաբերեալ գրքեր և յօրելեանական հրատարակութիւններ:

Մի այլ սենեակում շինւած են եղել արեւելեան և այլ քիօսկներ, որտեղ զգեստաւորւած մշեցի, դարաբաղցի և ախալցխացի հայուհիները վաճառելիս են եղել սրբերի պատկերներ, յօրել բացիկներ, ծրագիրներ և գրքեր: Բանախօսել է աւ. ուս. Գուրգարեան: Վերջը ցոյց է տրւել կենդանի պատկերներ՝ «Տառերի գիւտը» և «Սահակ Մեսրոպեան դպրոց»: Հրաւիրւած են եղել օտարազգիներ: Քաղաքագլուխ Բակը ողջոյնի ճառ է արտասանել: Տպաւորութիւնը այս ճոխ հանդիսի շատ գոհացուցիչ, նոյնիսկ մեծ է եղել հայ հասարակութեան վրայ:

Ախալքալակ.—Հանդէսները երկու օր են տեւել և բաւական շքեղ. հոկտեմբերի 12-ի առաւօտեան պաշտօնական անձինք, հիմնարկութիւնների ներկայացուցիչներ, ժողովուրդը հաւաքւած են եղել համբարական դրօշակներով եկեղեցու բակը: Ներկայ էին և աշակերտութիւնը. պատարագից յետոյ օձել են ս. Սահակի և Մեսրոպի ձիթաներկ պատկերները, յետոյ կատարել է հողեհանգիստ, խօսել է քահանաներից մէկը, որից յետոյ հանդիսաւոր շքերթը ուղևորել է դպրոցի նոր շէնքը, որտեղ ճառեր են արտասանել, որից յետոյ հացկերոյթ է տեղի ունեցել մօտ հարիւր անձի մասնակցութեամբ: Բացակայելիս է եղել ուսուցչական կազմը: Նւագել են սաղանդարներ և զուռնաներ: Հետեւել օրը պատարագից յետոյ հայրապետական մաղթանք է կատարել և բանախօսութիւններ են տեղի ունեցել, երգել խմբական երգեր և արտասանել ոտանաւորներ: Երեկոյեան յօրելեանական ներկայացում է տրւել. խաղացել են «Արմէն և Փարման» և ս. Սահակի ու ս. Մեսրոպի կեանքից յօրելեանի առթիւ գրած «Լոյսի ծագումը» պիէսները:

Սուլտա.—(Ախալքալաքի գաւ.)—Այստեղ ինչպէս հոկտեմբերի 12-ին, նոյնպէս 13-ին շքեղ հանդէսով տօնուով է տառերի գիւտի և սպագրութեան յօրելեանը: Բացի սովորական բանախօսութիւններից, գրական-երաժշտական ցերեկոյթից, բուն տօնի օրը նւագելիս են եղել զուռնայի, մէձիւնների և պարկապուկների խմբերը: Հանգանակիչ յանձնաժողովը անից տուն, դպրոցական ֆոնդի օգտին նւէրներ է հաւաքել:

Սարթխա (Ախալքալ. գաւ.)—Այստեղ ևս տօնել է մեծ տօնը ժողովրդի խուռն բազմութեան ներկայութեամբ: Շաբաթ օրը պատարագի ժամանակ բանախօսութիւններ են արտասանել, հայրապետական մաղթանք հոգեհանգիստ կատարել բազմերախտ վաստակաւորների յիշատակին: Կիւրակի օրը, հոկտ. 13-ին, հանդէս և ֆոնդի օգտին հանգանակութիւն եղաւ:

Շուշի.—Շաբաթ օրը Ագուլեաց մայր եկեղեցում, ներկայութեամբ պաշտօնատար անձանց, հայ դպրոցների աշակերտութեան և բազմաթիւ հասարակութեան հանդիսաւոր պատարագ է մատուցել: Քահանաներից մէկը խօսել է գրերի գիւտի և տպագրութեան նշանակութեան մասին. ապա թեմական դպրոցում տեղի է ունեցիլ աշակերտական հանդէս, որտեղ խօսել է ուսուցիչներից մէկը, երգել է դպրանոցի քառաձայն խումբը ու արտասանել են ոտանաւորներ:

Հոկտեմբերի 13-ին, կիւրակի օրը հանդէսը նւիրւած է եղել ժողովրդի համար: Պատարագից յետոյ, որ տեղի է ունեցել Ղազանէեցոց եկեղեցում, ժողովուրդը հաւաքել է դպրոցում, որ բաւականին զարդարւած է եղել: Այս անգամ ևս բանախօսութիւն է տեղի ունեցել:

Գանձակ.—Աւելի քան համեստ բնաւորութիւն է կրել տառերի գիւտի 1500-ամեակի և տպագրութեան 400-ամեակի տօնակատարութեան այստեղ: Հոկտեմբերի 12-ին ս. Յովհաննէս աւագ եկեղեցում պատարագ է եղել, խօսել է մի քահանայ և ուրիշ ոչինչ: Հետեւալ օրը նոյն եկեղեցում դարձեալ պատարագ է մատուցել և ապա թափօրով դիմել են Լուսաւորիչ եկեղեցին, այնտեղ մաղթանք կատարել: Մի ուրիշ քահանայ էլ այստեղ է ըստ պատշաճի քարոզ խօսել, որից յետոյ ժողովրդի մի մասը գրել է մեայն մի փոքր մասը հաւաքել է տօնի համար զարդարւած Լուսաւորչի դպրոցի դահլիճը: Մակայն այստեղ միայն արտասանել է մի բանախօսութիւն և համարեա ուրիշ ոչինչ: Այլազգիներից ոչոք չէ հրաւիրւած եղել:

Վարշաւա.—Ռուսաստանի հեռաւոր հայ գաղութներից մէկում, Վարշաւայում աւետրական ակումբի սրահում հայ ուսանողների նախաձեռնութեամբ կատարել է բաւական համեստ կերպով հայ գրերի 1500-ամեակը և տպագրութեան 400-ամեակը: Զուտ հայկական յորելեանական հանդէսը բաց է արել ուսանող-

ներից մէկը, ծանօթացնելով ունկնդիրներին օրւայ մեծ տօնի նշանակութեան հետ: Այնուհետև ուսանողները հատընտիր օտանաւորներ են արտասանում, երգում խմբական երգեր և նւագում խմբով թառերի և քամանչի վրայ: Վերջը հայկական պարեր են տեղի ունենում: Ուսանողների վրացի ընկերները շնորհաւորական հեռագիր են տւել:

Ինչպէս տեսնում ենք համարեա ամենուրեք հետևում են մի որոշ ծրագրի, երբեմն նայած տեղական յարմարութեան, կրճատում կամ յաւելում են անում, մի փոքր աւելի շքեղ կամ համեստ են կատարում: Ընդհանրապէս նկատելի է, որ նախ ամենուրեք հանդիսաւոր պատարագ է մատուցել, շատ տեղեր ժողովրդի խումն բազմութեան, պաշտօնատար անձանց, հայոց դըպրոցների և պետական դպրոցների հայ աշակերտութեան ներկայութեամբ, ապա հայրապետական մաղթանք է տեղի ունեցել ի յիշատակ հայ ժողովրդի մեծ բարերարների՝ ս. Սահակի և Մեսրոպի, որից յետոյ շատ անգամ հանդիսաւոր թափօրով բոլորը գնացել են գլխաւորապէս դպրոց, այնտեղ կատարելու հանդիսի, եթէ կարելի է այսպէս ասել, աշխարհիկ մասը: Մի քանի վայրերում մանկական հանդէսներն առանձին են կատարւել, հասակաւորներինը առանձին: Շատ տեղերում մանկական և այլ ներկայացումներ են եղել, կենդանի պատկերներ ցոյց տրւել, հայկական պարեր եղել և դպրոցական կամ զրական Փոնդերի օգաին գումարներ հանգանակւել, նոյն իսկ բանկետներ տեղի ունեցել:

Ահա այս կերպ կամ մի փոքր աւելի կամ պակաս չափով մի կամ երկու օր տևողութեամբ հանդէսներ են կատարւել գանազան վայրերում:

Եկատերինողարում, բանախօսներից մէկը ցաւ է յայտնել հասարակութեան անտարբեր վերաբերմունքի առիթով, որին իբրև ապացոյց ծառայել կարող է տեղական հայ հասարակական հիմնարկութիւնների անմխիթար կացութիւնը:

Քուծայիսում, համեմատաբար շատ համեստ և անշուք է կատարւել տօնակատարութիւնը:

Վերին Ագուլիսում, պատմական Գողթան գաւառի այժմեան կենտրոնում, ուր գործունէութեան ասպարէզ էր ընտրել ս. Մեսրոպը, չէր կարող այնպէս փառաւոր չը կատարւել յիշատակելի

յորելեանն: Ինչպէս անցեալ հոկտեմբերին յորելեանական տարւայ բացմանը, նոյնպէս և այս հոկտեմբերին փակմանը հանդիսաւոր կատարել է տօնը. յատուկ պատգամաւոր է ուղարկւած էջմիածին և յօգուտ դպրոցական Փոնդի մի խոշոր գումար է հանգանակւած:

Շուխիում.—Այստեղ շաբաթ օրը տեղի է ունեցել աշակերտական-գրական երաժշտական ցերեկոյթ, իսկ կիրակի օրը կազմակերպւած է եղել ձրի գրական-երաժշտական ցերեկոյթ և երեկոյեան ներկակայացում:

Ղուբայում տեղի է ունեցել մի համեստ ցերեկոյթ:

Կրասնավոդսկում. հոկտեմբերի 12-ին սովորական պատարագից յետոյ դպրոցում տեղի է ունենում աշակերտական ցերեկոյթ, իսկ կիրակի օրը դարձեալ հանդէս հասակաւորների համար դպրոցի դահլիճը զարդարւած: Երեկոյեան յօգուտ դպրոցի ներկայացում է եղել:

Մայկոպում տաւերի գիւտի և տպագրութեան տօնակատարութիւնը մի օր է տեւել, սակայն բազմաբովանդակ է եղել: Աշակերտական հանդէս, ներկայացում մանկական պիէսայի, երեկոյեան հասարակական ակմբանոցում հանդիսաւոր ցերեկոյթ՝ երեք մասից բաղկացած. ա. մասը բաղկացած է եղել սուսերէն երկու սօլօ երգերից, մի մելոդեկլամայից և սուսերէն լեզով բանախօսութիւնից. բ. մասը՝ հայերէն խմբական երգերից, երաժշտութիւնից և ընթերցանութիւնից, գ. մասը՝ եւրոպական պարերից: Երեկոյթը բաւական արդիւնք է ունեցել:

Մ. Ղարաքիլիսայում տօնական հանդէսը կատարել է միայն կիրակի օրը եկեղեցում և դպրոցի յատկապէս զարդարւած դահլիճում. կոչ է եղել հասարակութեանը իրենց լուծման հասցնել կազմակերպելիք դպրոցական Փոնդին:

Շուլաւերում հոկտեմբերի 12-ի առաւօտեան գրական-երաժշտական հագէս է եղել աշակերտների համար և տպա պատարագ, մաղիթանք և հոգեհանգիստ: Հոկտեմբերի 13-ին եղել է ըուն հանդէսը. ժողովուրդը պատարագից յետոյ հաւաքել է դպրոց, ուր տեղի է ունեցել գրական-երաժշտական ցերեկոյթ,

զլխաւորապէս հասակաւորների համար: Առաջարկել է դպրոցական նոր շէնք կառուցանել:

Կատարել են աւելի կամ պակաս չափով հանդէսներ՝ Հին-Նախիջիւանում, Արդիւնում, Բորժոմում, Սուրամում, Ղաթարում, Մեղրիում, Ղալարաղում, Հնչեստում (Բեսարաբ. ն.), Բուրջում (Սուխում. շրջ.), Խոջաքէկում, Հայ-Գեարգեանում, Տաշքենդում, Օբորքակերտում (Արդւինի վիճ.), Կարաւաքերդում: Վերջանում, որ համարւում է հայկական խուլ անկիւններից մէկը, հանդէսը ուշագրաւ է եղել թէ իր ճոխութեամբ և թէ խորհրդակցութեան ժամանակ ընդունւած բանաձևերով: Այդ օրը օրհնել է Կարաւաքերդի նորակառոյց դպրոցը և խորհրդակցութիւնն ընդունել է նախ՝ սարրական ուսումը շրջանում պարտագիր դարձնել և ապա՝ դպրոցն անւանել Սահակ Մեսրոպեան: Այս առաջարկների հետ միասին ընդունել են մի շարք բարեփոխութիւններ յատկապէս դպրոցի վերաբերմամբ: Ուսուցչական կազմը յանձն է առել դասախօսութիւնների միջոցով հասկանալի դարձնել ժողովրդի համար պարտագիր ուսման անհրաժեշտութիւնն ու նշանակութիւնը: Բանասնցում, Լագոդաղում, Գորիսում ևս տօնել են երկու մեծ յօբելեանները: Գօրիսում հանդէսն աչքի է ընկել յատկապէս տօնի համար պատրաստւած գեղեցիկ դրօշակներով, որոնց վրայ գրւած են եղել «1500», «400» և հայ ձայնաւոր տառերը, նշանակւած են եղել նաև մի շարք յայտնի գրական անուններ: Աշակերտութեան գրքեր և միրգ են բաժանւած, իսկ հասակաւորները հացկերոյթ են ունեցել:

Դերընտում՝ ի շարս այլ բաժինների, աշակերտները խաղացել են «Գաղտնիք» երկու գործող. պիէսը և տրւել են կենդանի պատկերներ: Գորիում ինչպէս և Սաշխերում քահանաները ստիպւած են եղել վրացերէն լեզուով բացատրել ժողովրդին Մեծ Տօնի նշանակութիւնը, մանաւանդ որ վերջինի հանդիսին ներկայ են եղել նաև վրացուհիներ: Ղալարում աշակերտական հանդէսին ներկայացել է «Դասարանում» պիէսը և հայկական պարեր. տեղի ունեցել, իսկ երեկոյեանս Մեսրոպի և այլ պատշաճ պատկերներով, դրօշակներով, ծաղիկներով զարդարւած դահլիճում ուսուցիչ գերակատարները հասարակութեան համար ներկայացրել են տառերի գիւտի վերաբերեալ մի քանի պատկերներ:

Գ. Դ.

